



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

XIV.

**urn:nbn:de:hbz:466:1-11903**

quod sine aquis obnoxiam incendiis Urbem reliquissent. Ideò perpetratis jam damnis serò, posthac forte utili Senatusconsulto cautum est, ne Gera integra simulâ Civitate diverteretur, sed ut plures sunt ejusdem alvei, unius post alterius sordes educerentur.

## XIV.

*Factiosi decretis precibus contradicunt.*

*Ministeriū renuit.*

Correctos Civitatis morbos, & Domini querelis satisfactum credebatur. Ast non legibus, sed earum custodia juvatur. † Superfuerant ex Senatoribus, Civibus, qui vel rerum novarum cupidi, vel cœci pertinaciâ, Senatûs Consultum, & communitalis placitum, quibus preces pro Electore decretæ, carperent: Rem esse sua sacra non decentem pro Electore Moguntino è pulpitis orare, illo qui diversitatis Sectator Lutheranorum orationes profanas habeat, & si religione salvâ pro Electore orari posset, illo certè sua templa pollui, si pro Archiepiscatu preces fierent, scilicet in quo tot monachi & moniales comprehendantur, Avidè hæc à vulgo excepta, cujus simplicitas omnibus aperta fraudibus, quæ religione adumbrantur. † Imò ministerium his artibus captum, ut imperatas preces renueret, ipsum adeò negotii momentum suæ censuræ vindicaret. *Spektare ad Officii sui curas, ne quid contra pacem religionis, contra libertatem conscientiarum, ipsasque Fidei leges Civitas polliceatur; His autem preces pro Electore præsertim Catholico refragari. Salva res, si Lutherus intercessionibus hominum*

num, ut Sanctorum antiquasset. Insuper  
 publici consensus favor detrahendus fuit:  
 Limprechto placitum imputatum, qui  
 celeri votorum exactione in minus fre-  
 quente Senatu Curiam circumvenerit.  
 \* † His Saxonum Duces accessere, a fa-  
 ctiosis malè informati, per Epistolas &  
 Legatos Urbem increparunt: *Relatum sibi*  
*in preces pro Electore, & ArchiEpiscopatu Mo-*  
*guntino Senatui consensisse, recordari se præterea,*  
*quid hac in re successivè sit actum; nil contra pacem*  
*religionis indici Erfordiae, nec recipi in istius fraudens*  
*potuisse. Ingens ipsius Ministerii, & christianæ com-*  
*munitatis præjudicium rem hanc spectare, quin &*  
*aliis scandalo fore, qui ex circumjacentibus terris*  
*eas preces audirent, ignominiosas Ducibus, & ju-*  
*ribus urbis inimicas; Ne quicquam Moguntinis con-*  
*testationibus periculum emendari. Hunc desidiae fru-*  
*ctum esse, quod spretis sanioribus consiliis potentiam*  
*Moguntinam per conniventiam auxerint. Oratum*  
*hactenus pro Christianitatis Proceribus, & sic ipsum*  
*Moguntinum Numini commendatum, ut eâ formulâ*  
*contentus esse rectè potuerit. Sibi potius Saxoniae*  
*Ducibus, Thuringiae Landgraviis, quibus Urbs*  
*fidelitatis juramento, protectionis lege, & vinculis*  
*aliis obstricta, preces istas deberi. Esse hæc talia,*  
*quibus connivere nequeant, quapropter civitas præ-*  
*scriptam orandi formulam ne reciperet, aut receptam*  
*abrogaret, ad minimum Electorem & Duces Saxo-*  
*niæ Moguntino jungeret. Hoc erat, quod fa-*  
*ctiosi præscripserant, qui cum moliri pu-*  
*blicè nil auderent, ministerium instiga-*  
 runt, Ducibus falsa persuaserunt. Schmid-  
 burgius

\*MDCLXI.

*Saxones de-*  
*hortantur.*

burgius, cum prius Legatos Saxonum addisset, obedientiam denuò Civibus ac ministerio imperat, & Urbe excedit: Fuit is dies tricesimus Januarii.

## XV.

*Rationes  
ministerii  
contra preces.*

*A Collegiis  
prudentum  
rejiçuntur.*

*Querelæ de  
Papiro.*

*Cur preces  
Moguntinè  
resecunt.*

Octiduo post ministerium, † cur decretas preces renueret, verbosâ epistolâ Senatui perscribit. Ocyus hæc Schmidburgio submissa. Varia Theologorum, & Juratorum † Collegia super causæ justitiæ consulta sunt, unanimiter justum esse & rectum, ut pro Electore Moguntino oraretur, responderunt, idem Dreidentse Consistorium judicavit. At nihil his moti Erfurtenfes, maniâ religionis & libertatis turbidi. *Non suas orationes nisi in argumentum omnimodæ Superioritatis Moguntinos intendere, nec pro aliis, quàm pro Dominis è Cathedra publice preces fieri. Evincere istud Prætoris † Papii frequentes minas, quas nunquam sine jactantia in opprobrium Urbis disseminat. De Erfordia illi, & Electoratus municipio parem sententiam, in aliena servitute gloriam querere. Erat is Papius magnæ dexteritatis, ingenii fæcundi, in obloquendo audax, in propugnando strenuus, in discursu liberalis; non serenitantum, sed & rebus turbidis aptus, seu eas sedari possularet utilitas, seu magis confundere: His eximia doctrina, & fides in Dominum accedebat, quibus dotibus feliciter in turbis multa, & in emolumentum Moguntinæ peregit, ut pars Electoris prudentiæ fuerit, his temporibus eum præfecisse. Haud dissimularunt † Moguntini, jure Princi-*